

**FRAMSELD ÁKVÖRÐUN FRAMKVÆMDASTJÓRNARINNAR
(ESB) 2015/1958****2016/EES/44/08****frá 1. júlí 2015****um viðeigandi kerfi til að meta og sannprófa stöðugleika nothæfis gerviefna til jarðtæknilegra nota og skyldra vara samkvæmt reglugerð Evrópuþingsins og ráðsins (ESB) nr. 305/2011 (*)**

FRAMKVÆMDASTJORN EVROPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 305/2011 frá 9. mars 2011 um samræmd skilyrði fyrir markaðssetningu byggingarvara og niðurfellingu á tilskipun ráðsins 89/106/EBE ⁽¹⁾, einkum h-lið 60. gr.,*og að teknu tilliti til eftirfarandi:*

- 1) Aðferðin við staðfestingu á samræmi gerviefna til jarðtæknilegra nota og skyldra vara við gildandi tækniforskriftir hefur verið fastsett í ákvörðun framkvæmdastjórnarinnar 96/581/EB⁽²⁾.
- 2) Í ákvörðun 96/581/EB er ekki mælt fyrir um ítarlegar viðmiðanir um val á kerfum til að meta og sannprófa stöðugleika nothæfis gerviefna til jarðtæknilegra nota og skyldra vara, með tilliti til viðbragða við bruna.
- 3) Velja ætti kerfin, sem sett eru fram í V. viðauka við reglugerð (ESB) nr. 305/2011, af meiri hagkvæmni til að meta nothæfi gerviefna til jarðtæknilegra nota og skyldra vara. Þetta ætti að gera framleiðendum kleift að fá skilvirkari aðgang að innri markaðnum og stuðla þar með að aukinni samkeppnishæfni byggingariðnaðarins í heild sinni.
- 4) Til glöggvunar og gagnsæis ætti því að fella ákvörðun 96/581/EB úr gildi og önnur að koma í hennar stað.

SAMÞYKKT ÁKVÖRÐUN ÞESSA:

1. gr.

Þessi ákvörðun gildir um gerviefni til jarðtæknilegra nota og skyldar vörur sem sett eru fram í I. viðauka.

2. gr.

Meta skal og sannprófa stöðugleika nothæfis gerviefna til jarðtæknilegra nota og skyldra vara, sem um getur í 1. gr., í tengslum við mikilvæga eiginleika þeirra, í samræmi við kerfin sem tilgreind eru í II. viðauka.

3. gr.

Ákvörðun 96/581/EB er felld úr gildi.

Líta ber á tilvísanir í niðurfelldu ákvörðunina sem tilvísanir í þessa ákvörðun.

(*) Þessi ESB-gerð birtist í Stjtið. ESB L 284, 30.10.2015, bls. 181. Hennar var getið í ákvörðun sameiginlegu EES-nefndarinnar nr. 20/2016 frá 5. febrúar 2016 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 88, 4.4.2011, bls. 5.

⁽²⁾ Ákvörðun framkvæmdastjórnarinnar 96/581/EB frá 24. júní 1996 um aðferð við staðfestingu á samræmi byggingarvara samkvæmt 2. mgr. 20. gr. tilskipunar ráðsins 89/106/EBE að því er varðar jarðvegsdúka (Stjtið. EB L 254, 8.10.1996, bls. 59).

4. gr.

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 1. júlí 2015.

Fyrir hönd framkvæmdastjórnarinnar,

Jean-Claude JUNCKER

forseti.

I. VIÐAUKI

VÖRUR SEM FALLA UNDIR ÞESSA ÁKVÖRDUN

Ákvörðun þessi gildir um:

1. Gerviefni til jarðtæknilegra nota (himnur og textílefni) sem notuð eru til aðgreiningar, verndar, framræslu, síunar eða til að styrkja jarðveginn.
 2. Samsett efni til jarðtæknilegra nota sem notuð eru til aðgreiningar, verndar, framræslu, síunar eða til að styrkja jarðveginn.
 3. Jarðgrindur sem notaðar eru til aðgreiningar, verndar, framræslu, síunar eða til að styrkja jarðveginn.
 4. Himnur og dúkar til jarðtæknilegra nota sem notuð eru til aðgreiningar, verndar, framræslu, síunar eða til að styrkja jarðveginn.
 5. Jarðnet sem notuð eru til aðgreiningar, verndar, framræslu, síunar eða til að styrkja jarðveginn.
-

II. VIÐAUKI

KERFI TIL AÐ META NOTHÆFI OG SANNPÓFA STÖÐUGLEIKA ÞESS

Kerfi til að meta nothæfi og sannprófa stöðugleika þess gilda sem hér segir um vörur, sem falla undir þessa ákvörðun, að teknu tilliti til mikilvægra eiginleika þeirra:

Tafla 1

Að því er varðar alla mikilvæga eiginleika nema viðbrögð við bruna

Vörur	Mikilvægir eiginleikar	Viðeigandi kerfi til að meta nothæfi og sannprófa stöðugleika þess, eins og sett er fram í V. viðauka við reglugerð (ESB) nr. 305/2011
Gerviefni til jarðtæknilegra nota (himnur og textílefni), samsett efni til jarðtæknilegra nota, jarðgrindur, himnur og dúkar til jarðtæknilegra nota og jarðnet, sem notuð eru til aðgreiningar, verndar, framræslu, síunar eða til að styrkja jarðveginn	Að því er varðar alla mikilvæga eiginleika nema viðbrögð við bruna	2+

Tafla 2

Einungis að því er varðar viðbrögð við bruna

Að því er varðar allar vörur, sem tilgreindar eru í fyrsta dálki í töflu 1, ákvarðast kerfi til að meta nothæfi og sannprófa stöðugleika þess, með hliðsjón af undirflokkum varanna, sem hér segir:

Undirflokkar vara	Viðeigandi kerfi til að meta nothæfi og sannprófa stöðugleika þess, eins og sett er fram í V. viðauka við reglugerð (ESB) nr. 305/2011
Vörur sem fá hagstæðari flokkun, með tilliti til viðbragða við bruna að því er nothæfi varðar, sem rekja má til ákveðins, auðgreinanlegs stigs í framleiðsluferlinu (t.d. með því að bæta eldtefjandi efnum við eða takmarka lífræn efni)	1
Vörur þar sem viðeigandi, evrópskur lagagrunnur er fyrir hendi til að flokka viðbrögð þeirra við bruna að því er nothæfi varðar, án prófunar	4
Vörur sem falla ekki undir undirflokkana sem tilgreindir eru í röð 1 og 2	3